



Angela
Merkel,
CDUko
idazkari
nagusia, atzo,
Berlinen.

ROBERTO PFEIL / AP

Merkelen hautaketarekin, bere irudia berritu nahi du CDUk

Alemaniko oposizioko alderdiko lehendakariari izendatu dute

Agentziak / Berlin

CDU Alemaniako Alderdi Kristaudemokratako zuzendaritzak Angela Merkel proposatu zuen atzo alderdiko presidente izateko. Popularitate handia lortu du Mer-

kelek militanteen artean, Helmut Kohlen garaiarekin eta haren irudiarekin hautsi dezakeen buruzagi gisa ikusten baitute. CDUko sektore zentristako kide denez, boto hori SPD sozialdemokratari kentzeko ahalegina ere bada.

DATORREN apirilaren 9tik 11ra CDUk batzarra egingo du Essen hirian eta orduan izendatuko dute ofizialki Merkel partiduko presidente. Ez da ezustekorik espero, CDUko militanteen artean Merkelek onespenez handia jaso baitu azken asteotako lurralde batzarretan.

Merkelek aire berria eman beharko dio CDUri ezkutuko diruen eskandaluaren ondoren. Joan zen azaroan jakin zenean Kohl lider historikoak ezkutuko dirua erabili zuela alderdirako, behera egin zuen nabarmen Alderdi Kristaudemokrataren irudiak eta asko jaitsi zen boto asmoetan. 1999an SPD Alderdi Sozialdemokratari hainbat *Land*-etako bozak irabazi ondoren, galdu egin zuten otsailean Schleswig-Holsteinen.

Kohlen eskutik heldu zen Merkel Alemaniako politikagintzaren lehen lerrora,

1990an Emakumeak eta Kiroletako ministro izendatu baitzuen. Ezkutuko diruaren afera zabaldu arte, Kohlen jarraitzaile gisa ikusia zen Merkel, baina orduz gero sarri kritikatu du bere *aitabixia*. Jarrera horrek sona handia eman dio Kohlen garaiarekin amaitu nahi zuten militanteen artean eta, azkenean, CDUko buruzagi kontserbadoreen amore eman behar izan dute.

Ekialdeko emakume protestantea

Emakumea ez ezik, Ekialdeko Alemaniakoa eta protestantea da Merkel. CDU, berriz, sektore katolikoetan sortutako alderdia da eta orain arteko bere buruzagiak gizonezkoak eta Mendebaldekoak izan dira.

CDUko presidente bilakatu den arren, oraindik ez

dago garbi Merkel kantzeleri-gaia izango den ala ez 2002ko hauteskundeetan. Wolfgang Schaeuble oraingo presidentek ziurtatu zuen gai hori ez dela ziur aski aurten argituko.

Azken asteotan, kantzleri-gaia izateko borondatea erakutsi du kontserbadoreagoa den, Bavariako presidente Edmund Stoiberrek. Bavarian, CSU Batasun Kristausoziala deritzo CDUren adarri eta ohituraz kontserbadoreagoa da beste eskualde batzuetan baino.

Gerhard Schroeder oraingo kantzeleri sozialdemokrata-erentzat lehiakide gogorragoa ageri da Merkel Stoiber baino, itxura moderatuagoa baitu. Hori dela eta, Franz Muentefering SPDko idazkari nagusiak ohartarazi zion Merkeli zentruan jada bere alderdia dagoela eta hor ez duela lekunik CDUk.

BBK KOTXE KREDITUA

Milioi bakoitzagatik, **13.386 pta.ko** hileroko kuotatik hasita.
(%6,50eko interes nominala eta %7,28 UTB)

Gidatu nahi duzuna.

Eta 2000ko maiatzaren 31 baino lehen autoa erostea pentsatzen ari bazara, **BBK Kotxe Kredituarekin** baldintza bereziak eduki ditzakezu:

- %6,50eko interes-tasa nominala*.
- Milioi bakoitzagatik, **13.386 pta.ko** hileroko kuotatik hasita.

Erdu BBK-ko edozein bulegotara. Eta ziztu bizian sartuko zaizu auto berria estreinatzeko gogoia.

(*) 30 urtetik beherakoentzat, %6,70 UTB, irekiera-komisio barik eta 8 urtera. Eta 30 urtetik gorakoentzat, %7,28 UTB, %2ko irekiera-komisioa eta 8 urtera.



BBK
Bilbao Bizkaia Kutxa

www.bbk.es